

## Laisiangthou Bulphuh

TOUPA PATHIAN in amah siangthouna louin a kichiam a; Ngai dih ua, sik kuaikaa nou a hon lakmang a, na lak ua om sun ngakuaia a hon lakmang ni a hongtung ding.

[Amos:4:2]

## Thumna Makai

☐ Tuni Nipini hun hoih hon musak a, Amah be dia hon pikhawm Toupa min i phat ahi.

☐ Khotang leh saptuam sung a lusuunna tuakte thumpih in khamuanna ngetpih ni.

☐ May kha sung a Pathian vualzawlina i tante leh amah min a i kizat khaknate tungtawn in thupina Amah pia in sep/bawl khelh omte ah a ngaihdam na ngen in thum ni.

☐ May kha sung a programme manphatak Toupa' hon zatsakte ziaka kipahthu genin programme gahsuahna mimal chih a hong kilat khat zelna ding in thum ni.

☐ Saptuam heutute leh sumsaite'n Toupa deih bang a hon makaih touh theih zel ua feltak leh kizentak a hon saizom theih zelna ding un thumna ah phawk ni.

☐ Damlou a omelte leh a kemtute Pathian in damna leh thathak a piak nading un thumna a phawk in, a damlouhna tungtawn ua khalam leh salam a hong hatzawk theih na ding un thumpih ni..

☐ Nipini nawn biakkhawmna hunseh kigelte Toupa khut ah laan ni. Hiai hun a chidam a Amah bia leh phatte lak a tel ding a kisakhawl in amah ompihna ngen ni.

## MAY 2019 USHER

**Mipi Biakkhawmna hunte a Usher-te :**

**11:00 AM :**

Sarojini Nagar Prayer Cell leh

Vasant Prayer Cell No. 3

**02:00 PM :**

TBYF Dwarka Area Fellowship

## TUNI BIAKNA HUNZEK

**09:30 AM : Counselling Hun**

**11:00 AM : ZINGLAM BIAKNA KIKHOP**

Biakna & Phatna : WT Makaih in  
Thilpiak latna : Upa Chinsum  
Thugenna : Pastor  
Peem Laklutna : Secretary, TBSUC  
Phatkawmna : WT Makaih in  
Hunkhakna : Upa T. Songzalian

### TEA FELLOWSHIP

**02:00 PM SUNNUNG BIAKNA KIKHOP**

Hun Patna : Ruth Tonsing  
Biakna & Phatna : WT Makaih in  
Thilpiak latna : Upa Thangkhosiam Tonsing  
Thugenna : Pastor  
Special No. : TBDF  
Sharing : Thang Septha Khuptiong  
Phatkawmna : WT Makaih in  
Hunkhakna : Upa Thianzakham

### TEA FELLOWSHIP

## BCD DEVOTION PROGRAMME

**PATHIAN' POMTAK BIAKNA" Rome-te 12.1**

**Amun :** BCD Hall

**Ahun :** 11: 00hrs Nipini 4na

Pitu : Htn. Lialian  
Bible Sima thumna : Sarah Chingbiakmawi, Inter  
Phatkawmna : Lapite makaih in  
Contest : Contest Sub comm.  
Thilpiak Latna leh  
Toupa Thumna : Htp Sianmang

**Pawl kikhenna om ding.**

**Music Club Lasinna om ding.**

**Khatawp Sinsaktu thumkhawmna om ding.**

**May khasung Ushers dingte: Htn Sonkim leh**

**Htn Biakching**

**WEEKDAY WORSHIP SERVICE (WWS) KIPANTA – Ebenezer!**

EBCC Delhi Ministerial Committee in Weekday Worship Service (WWS) pat di thu a puakkhiak, TBSUC in lemsakpihna pia in gel leh kisakkholh om bangbang “Nilaini, 22 May 2019 @7.30PM” in sepkiak hong hita. A paikhawm kha thei mi 60/70 velte'n tha ngah ciat. Hallelujah! Hiai WWS pat di thu ana zak ciang ua dawnthukna pia mi bangzahhiamte lak ah thum taklang ni. 1na: Upa Capt. (IN) Lalsuonglien, Media i/c masapen (2011-13) in hiai ci: Thupi e! EBCC Mumbai in Nikum apat Monthly Monday Worship ka na pan uh a... Pastor pa panlakna ah paitou lel. Honna thumpih zel zel un aw. 2na: Rev Nenglian, Local Pastor (2010-16): Ahoih ve, mitam leh tawm hilou a (weekday) worship hunbi neih ahoih ka sa. 3na: Rev Tuang Lang, Local Pastor (2016-19): Hiai kha lunggulhhuai sak gige n'on pan thei ua, kipahhuai lua. Mun-le-mual i neih nailouhna khopi saptuam dangte'n (WWS) a nei thei chiatta uh ahi.

WWS 1veina neih hun ah Upa Kam Suanthang, Secretary, Ministerial Committee (MC) in hibang in vaidawna/pulakna bawl hi:-

• 'Ka hih ka hi' chi a Mosi kiang a kilak Tangtawn Pathian in tuni hun poimoh tak, weekday worship service patna, hon musaka, kipahtu gen in thupina i pia ahi.

• Hiai program hi sawm mai a piang ahi kei. Lunggulhna leng kum 5 sang a sawtzaw ahita. Kum 4 val paita in, hichibang kikhopna a ding a apoimoh leh inluah ding chihantapha gen in budget bang kikoih hi. Himahleh piang lou hi.

• Pathian gam nasepna ah sumlepai a poimoh masa leh poimoh pen ahi kei chih kilatna khat ahi. Tukum in budget ah bangmah kikoih kei mahleh bulpan thei in i omta hi.

• Pathian lemgel hunseh a hong tuntak ziaq hi a thei in, tuni a kikhawm dia hong paikhawmte tengteng Pathian min suang in ka honna vaidawn uhi. French te mipil khat in 'Nothing can stop an idea whose time has come' ana chihbang in, hiai weekday worship service leng 'an idea whose time has come' hi a muh in om hi.

• EBCC Delhi in sepna leh nekzonna ziaq a Pathianni a kikhawm theiloute khualna leh amaute a di bik a hiai kikhopna agel ahi hi. Hinapi in, ei singtangmi pau kitheituah saptuam dang a kikhawmte'n leng huchi bang khalam dangtak leh taksap nei bangzah hiam nei chiat ding uhi.

• Amaute hilhsawntu, chialtu leh tonpihtu hi ding in tunitak, kikhopna masa pen a telkhate tengteng ka hon chial ahi.

• Tua toh kiton in, ebcc delhi hilou denomination dang akipan hong kikhawmte abik in Toupa Jesu Khrist min in ka honna vaidawn uhi. Na saptuam mite uh lak ah hiai kikhopna honna genzak sak ding in ka hon ngen ahi.

• Hiai kikhopna pen ebcc delhi vaisaina himahleh denomination a kikhen lou a khalam ankuang sawkkhawmna hun hileh manpha mahmah ding hi.

• Khateng a Nilaini nanung pen nitak 7:30 a neih zel ding chih tutan a thupukna ahiphot hi. Tunung chiang in hong phungching di'a, khateng hilou a kal teng a neih hun hong tung di'n ka lamen hi. Phetlou in, kal khat a 2vei neih bang leng deihhuai ding hi

• Tuni hiai weekday worship service patna kikhop bang chi i sa a, mitam hia tawm, chihkhawng kidong le muhdan tuamchiat mai thei hi. Dendeuh a kikhop kipatma khawng in ka lungsim ah thil nih om mahmah hi

• Amasa in Pathian in Abraham kiang ah a suan-le-pak te nuai a leivui zah leh tung a aksi zah a tam ding in chiam hi. Hinapi in tapa khat kia pia a, tua in leng tapa 2 kia nei a, mihing ngaihtuahna ah Pathian thuchiam tangtunna ding gamla mahmah hi

• Anihna ah Jesu'n a nung zuite khovel tawppha a theihpihtu ding in sawlkhia hi. Amaute 11 kia ahi ua, Jerusalem khopi chauh a genzak ding in leng sithuai uhi. Hinapi in Pathian thu pen khovel kilchih ah kum 2000 sung in dalhzakta hi.

• Pakpalh zu bang i khum lou zong Pathian in hon zang thei hi. Mi ana zatsate leng a hoih bukim (perfect) hilou uhi. Hinapi in zang hi.

• Ei leng i hoihlouhna om mahleh Pathian in hon zang thei veve hi, tua ding a kimanna a poimoh hi.

• Hiai kikhopna a tel leh a teldia midangte chialsawna bang leng Pathian vanzat hihtheihna khat ahi hi, a hoih bukim i hihlouh lai in leng Pakpalh zu bang ka khum lou zong chihla tungtawn a Pathian phatna nei ding in Pastor Gegen Samte ka chial ahi.

□ Hiai ni a hunzek kizang (write-up) <https://ebccdelhi.org/activities/worship-service-write-up/1991-weekday-worship-service-may-22-2019-7-30-pm.html> link kipia ah simtheih hi. Hiai link kipia zui le, a tawpna ah limlak pawl khat banah, hiai hun a Pastor H. Biakson in Luka 10: 38-42 pansan a a thugen “Thil khat kia kul ahi (Only one thing is needful)” cih voice recording ngaihtheihna link na om sawnsawn lai diing hi.

**Blessings!**

**TOM KHAKHA****K. THANG SEPTHA TESTIMONY**

Tulel EBCC Delhi, 2PM kikhop a Worship Leader (WT) Tg. Thang Septha in August 7, 1992 (academic- 7th Aug. 1996) in Singngat Sub-division Lungthul khua ah khawvak hon mu masa hi. A pa, Upa K Thangkhangen leh a nu, Nu Ningngaihlian; unau mi 6 piangkhawm lak ah Septha a upapen hi. A innkuanpihte Vaalveng, New Lamka ah teeng lel uh. Lungthul ah pawl 5 (Class V) tan sin, Ebenezer Academy, Lamka ah pawl 6, Hill Model High School, Singngat ah Class 7-10; kum 2012 in Pawl 10 zoukhia. Imphal ah Pawl 10 leh 12; 2014 kum in Class 12, 1st Division (85%) in zoukhia hi. B.A., CCpur College, Lamka ah 2017 June kha in zoukhia, tua kum September kha in Delhi hongpai hi.

Oct. 2017 kal masa apan WT a hong pangtou Tg. Thang Septha in a genna ah, "Ka neu akipan in mihoih hih a, Pathian' adia kizat ka na ut tou nilouh a, kisial chihte leh khamtheih chihte ka na chiing ngeikei hi. Neu akipan mihoih a kithei in Pathian inle hon siamtan di'a kikoih in, pianthakna lam ah na serious lou in ka om hi. Himahleh, kum 2006 kum in Evangelist Thawnkhansuan te' makaihna in Hotdamna Chialpi ah ka na tel a, huai ah I mihoihnate leh nasepte'n hotdamna honpe theilou ahihdan theichian in, michih in hotdamna poimoh ahihdan ka theisuah hi. Himahleh, kineulai ahihman in, thutak sang kichian thei nailou himahle'ng lawmte ziakin piangthakte lakah khut ka na liik tei a, huchi in baptism ka na tang hi. Tomchik zaw ka lung a muang a, himahleh hun hongpai ah kisiamtan theilou in ka om nilouh a, khalam buaisim tak a hun sawt kuamtak ka na zat nungin, Pathian' panpihna toh Senior pawl ka hihlai in ka heutupa uh N Thangkhansiam tungtawn in mimal Counseling ah hotdamna taktak theichian in ginna tungtawn a Jesu Khrist tuh ka hondampa di'a pom in tangtawn hinna ka na neita. Toupa'n thupina tang hen! Amen! Ka pianthak ni July 17, 2010; Bible verse Isai 53:4-7; Jn. 1:29; Heb. 9:12; Eph. 2:8-9 te tungtawn a pianthakna mu ka hi."

"Huai akipan in Pathian' ta taktak hita chih kitheichian ka hihman in ka hihtheihna zahzah in Pathian adi'n lungsim tengteng toh thanuam tak ka kizangta hi. Biakna leh Pathian' lam a hihtheih bangbang a ka kizat kawm in khalam ah hong khangtou zel hi. Hun hongpai zel in, neu akipan ka na utna-Pathian adia ka hinkhua zat ding chihpen hong hat sem in, A Thu (Laisiangthou) sin a Amah adi'a kizat ding chih tuh kichian sem in ka theichian hi. Huchi'n May 7, 2018 in Dhemaji Mission Field akipan a thugen di'a hongkuan Evan M Thangbiaksuan' thugen leh sapna tungtawn in a thak in Pathian' nasem ding in Pathian leh saptuam te mai ah ka na kipekhia hi. Bangmahlou akipan hon domsang a salam leh khalam vualzawlina simseng louh ahong pia Toupa'n thupina tengteng tangta hen!"

**TOUPA, LUNGTANG EN PA (I Samuel 16:7)**

07.04.2019 Devotion na ah pitu Upa T. Thianzakhm in Pathian in lungtang en ahi chih hon gen leh ka lungsim ah hampaha kisakna point 2 lut geih a om a, huai te gen: Khatna ah, lungtang enlou a, kamsiam, ngetsiam ziak khong a maipha muh ding hileh akinak muh ngei kei mah ding, i maitai lou, om bebu, kamsiam lou nalai, a kichaivawt chu kihi sim mahmah mai. Himahleh Pathian, tua bang kamsiam leh maitai leh ngetsiam ziak chih a en mailou a lungtang enpa Pathian neih khak hampath huai ana hi mahmah hi. Nihna ah, kilimbawl siam ziak, a kilang a hilua dan a kilat theih ziak bang Pathian' maipha muh ding hilehle kitang kha baan dek lou lai ding, mi limchiin a nek zong tampi omna khovel ah. Ei koihiam a kawng sawi zekna ding om chi'a le pawt mahmah lou, hikhe gen-gan maimahte adi'a chu, mang a le kiman ngam lou ding dan ahi.

A polam a kilatdan hilou a lungtang enpa neih hampathuai sak lailai in, lungput dik neih chih le thil haksapi ahihdan Pa Kham mah in a gen a, ka pom mahmah hi. Laisiangthou sim ding chia tu, i kam in simsim hina zenpi, i lungsim a thildang daih ana om man chih bang ka tuah mun mahmahte lak a khat ahi. Thakhat a, e-heih, ka lungsim ana dik nawn sam a chia thumna bang neithak, kipatthak Chiang a le sawt daih mahmah lou, chitak lua kisak sung mah a lungsim ah thutuampi ana vak man zel. Hilehle, tomkha chik petmah, mitphiat kal petmah khawng i lungput a dik sunsun hun kia lel ale i Pathian in hon it luat ziak a, tapa Jesu Khrist tawn a, i hih dik sunsun Amah maipha i muh theihna di'a honna heisak mengmeng ad'o ka chi hial hi. Pathian, hehpihna leh itna a dim leh lungtang en pa i neih mahmah hampathuai ana hi mahmah e, chih devotion telna apan ka thumuh ahi.

[Pa Liankhanlam Media Team | Photographer]

**HOIHTAK IN PAN LECHIN LE, A TAWPNA ASIAT LEH, SIA HIMAI HI**

Kumpi Saul tanchin a bullam ahihhoih maizen toh maw... Bangziaka Pathian in Saul kumpi di'a atel kisik maimah ahia, chih theihsiam ngai hi. Pathian lungkimsakloup'a tanchin apan in, Pathian' lungkimna ah I tanchin uh I suktawp theihna diing un, kingaihniamna lungsim toh I en diing uh. Halmang thillat laan di'a Samuel in ni sagih sung ngaak diing achi lai in, mipite'n a kilepsan ziak un, Saul in Samuel ngakzou nawnlou in, halmang thillat ana laan maimah (13:9). A na ngakzek maileh hoih diing hi a, Samuel lah sawtlou nung in ahong tungthou hi. Pathian' zia ngakzohlouh chih hi akhang-akhang a mihingte'

*Pek 4na a sutzop....*

**HOIHTAK IN PAN LECHIN.....** *Зорна.*

hikhkelhna ana hisek bang in, hiai hun inle Saul in a hikhkial hi. Tomchik na ngaklai leh Samuel hong tungthou diing hi. Ngakzohlouhna I neih ei adi'a a poiluat hun tam lua hi. Gingtute'n I hinkhua lampi zuih a I hon theihchian semsem uh bel, I thil hikhkelh, I thupukna lakkhelh, I kalsuan khelhna tampite leh I ngaak zohlouh ziak a thil poite ahi nuam mahmah hi.

(Rev Dr. Kh. Khaizakham, Ruth Messenger | Jan-Feb 2019, pk. 5-9).

**APRIL KHA LAKTOM**

Saptuam in Pathian' vualzawlina dong tou zelin, salam-lekhalam ah A' deihsakna kitang tou zel hi. A kal lak ah pemkhia om zel mahleh, member thak ding Toupa'n hon pezel a, Apaia April kha sung in naulatte simtel in member 18(sawm-le-giat) in ki behlap hihang.

**April kha sung a nau kilaante:**

01. Mungvanglian S/o Siamthianlal Hauzel
02. Aiden Suanlalmuan S/o Siamthianlal Hauzel
03. Thangthianpiak Guite S/o Thuamminlian Guite

**April kha a pem laklutte:**

01. Tuangliansang S/o K. Thuamzalam
02. Remmuanthang Sektak S/o S. Kamkhozam
03. Lalboi Mangte S/o Rev. Dr. M. Khamkhanchin
04. Muansang S/o Rev. Dr. M. Khamkhanchin
05. Jenny Niangngaihkim D/o Th. Pauzakham
06. Vunglianmawi D/o Th. Pauzakham
07. T. Thangchinlian S/o (L) T. Sungkhopau
08. Ningmuankim W/o T. Thangchinlian
09. Eunice Chhingbiakching D/o T. Thangchinlian
10. Deborah Mawithianlun D/o T. Thangchinlian
11. Abigail Kimthianhoih D/o T. Thangchinlian
12. Joshua Pauchinthang S/o T. Thangchinlian
13. Thangkhanlun @ Lulun Samte S/o S. Nengzapao
14. Hathoih W/o Thangkhanlun
15. Pausuanlian Samte S/o Thangkhanlun

Amaute ziak a kipahtu genin, hiai kibehlapna Khrist saptuam pumpi lamtouna leh khanna ahih theihna ding in member thakte Toupa khut ah kemsak ni.

**JUNE KHA ETLAWKNA**

**THUPI** : Naupang leh Pa hihna a Pathian pomtak Biak piakna:

**BIBLE TANGTELTE' :**

Eph.6:1-3; Kol.3:19,21; Lk.2:52;  
Sam 127:3-51; 1 Sml.2:26; 3:2-14;  
Eph.5:25-31; 6:4; Nas.2:1-4; 1:8.

**UPCOMING EVENTS:**

June 02, 2019 - Naupangte' Ni  
June 09, 2019 - Pentecost Day  
June 16, 2019 - Pate' Ni

Saptuam vai I taklat kholh theihthe thumna ah phawk in, kisa khawl chiat in, hiai hunte uap a hamphatpih chiat din i kichial hi.

**NIPINI NAWN BIAKNA HUNZEK**

June 02, 2019

**ZING DEVOTION**

Pitu – Pa Ginsuan Haulai

**NAUPANGTE NI****11:00 AM : ZINGLAM BIAKNA KIKHOP**

Hunkem : Htn Chiinsonkim  
Bible Sima Thumna : Manhauching Hanghal, Senior  
Biakna leh Phatna : BCD, Worship Team  
Thohlawmlatna : Upa T. Thiankhanmuan  
Special Item : Beginner A & B  
Thugenna : Pastor Thuamminlian Guite  
Advisor, BCD  
Special Item : Pri A & B , Papi Lapawl  
Report : Assistant Secy., BCD  
Special Item : BDF, BCD Sinsaktute  
Naupangte Thumsakna leh  
Khathak Thumsakna : Pastor H. Biakson  
Vualzawlina : Upa L. Ngulminthang

**02:00 PM SUNNUNG BIAKNA KIKHOP**

Biakna & Phatna : WT Makaih in  
Thilpiak latna : Upa G. Damsomthang  
Thumsakna leh  
Thugenna : Pastor  
Phatkhawmna : WT Makaih in  
Hunkhakna : Upa T. Goukhangin

**EBCC CENTRAL DELHI AH UP A 2 TEELNA**

EBC HQ (EOM) lemsakpihna tawh EBCC Central Delhi ah Nipini paita 19/05 in Upa 2 teelna/zonna om. Chitna nei vek a muh mi 6 (John Thawmte, Joy Thanglian Ngaihte, Lalengzau Ngaihte, Pumchinkhup Guite, Rousangpui leh Siamno Ngaihte) lak ah Pa John Thawmte leh Pa Siamno Ngaihte paisuak uh cih thu kiza. EBCC CD leh a paisuak Pa John leh Pa Siamno te kipahtu kawm in, 'Upa exam' a hong paisuak lai diing uh deihsak thu i khak hi. TOUPA ei di'n hoihna e!

**B&PMSC APAN NGETNA**

Building fund nitha I kubituk pen uh tamtakte'n peta mahle'ng I piak ding uh sah mahmah lai ahihmanin kuapeuh kisiakthak nawn in penawn siausiau leng chi'in Jesu Khrist min in I kingen uhi. Laak sang in piak in lukhawng nei zaw, chih gelh ahi.

**BDF APAN KIZAKSAKNA**

Tuni(26/5/19) zing kikhop tawpphet chiang in Nitaklam(2pm) kikhop a special number ding etkhawmna a om ngal ding. Nupi kuapeuhmah pawt khelou in tu tuantual zual din I kingen hi. TOUPA PHAT IN IN ZAISA NI.....